

東川劉文簡公集

側南山矗崔嵬靈毓秘不竭爰歷千萬年凌霄聳丹  
壁王事既靡暨曷以圖罔極百拜祈親年此山同壽  
域

壽蔣宮諭母太夫人

五嶺鬱靈秀蜿蜒會湘源乃獨鍾偉人奮步游金門  
朝回慈闈啓膝下笑言溫豈無太常輿亦有齋魚軒  
花朝正設輓綺席當樹萱壽觴獻仙侶絃管隔塵喧  
翩翩駕白鹿衢巷霑雲屯珍味出天厨清芬溢彝樽  
我昔聞王母乃於今尚存閔世踰千歲春秋未足論

題太宰楊公邃庵

都城有舊庵址望去 天咫借問誰卜居云是關西  
裔公昔居庵中群器隔虛市冥搜太古初出入橫圖  
史凝神負素屏濡毫凭斐几緬懷陶彭澤堂前羅桃  
李亦有韓昌黎屋偏槐榆駉回視公此庵陋巷死相  
似處之雖晏如偏側較無比乃以邃爲名其邃亦何  
指謂物盈兩間斯理其根抵細欲入秋毫大則窮天  
地吾心不盈掬孰非所當事百川會溟渤欲測非沼  
沚驅車隨指南轍跡可萬里極深著羲易深造論孟  
氏體用本一原聖賢道乃爾過此豈面墻紛紛雜諸  
子參贊儒者功非遽安能致大哉邃之義誰容窺涯

溪聞此若發矇迷途喜開示

石淙精舍爲太宰楊公賦

世路眩多岐馳騫紛相逐周行坦如砥視險靡華轍  
達人敦宿好結宇傍山澳清幽息垢氛踈曠聳秀木  
石澗通淵泉混混沿九曲河海歸源委支派疏溝瀆  
荆榛蕩以辟芝蘭醲而郁端居恣心賞前脩共遐躅  
仰瞻屹萬仞沛澤何滲漉我欲徃從之望洋空佇目  
滌流亟尋源歌聲在空谷

城南會餞吳學士克溫有述

五月初四日薰風逐煩暑餞宴啓名園清槐密垂戶

客本金閨彥進退非依掖拔擢自宸衷掌院歸衆  
舉欲去豈不決嘉會偶復沮憶昔吾榜人班行今幾  
許屈指踰十年同心僅踰五離群寧弗念草色蒼南  
浦况逢地主賢延賞多佳所石洞谿踈牕琴書蒲前  
貯涼風凜冰窖胡牀供燕處有池穿山前金鯉時躍  
渚佳卉紛樹植龍涎溢衡宇細竹盈百竿勁節猶可  
取雖無條然姿終非凡草伍萱花間玉簪列植當堦  
序含芳似待時安能催羯鼓疏地計數畦芄芄兼禾  
黍喬木森路隅何當此別墅宛然在村落城市了未  
覩垂簾坐中亭談笑忘賓主酒令嚴如律杯行不敢

拒榴花噴火紅野藪美可茹歌聲欲遏雲鼓瑟諧律  
呂勸飲但隨量麩生非泛與象戲發豪興共效橘叟  
賭須臾臨薄暮曲溝復延佇流觴恣歡酌艷歌齊白  
紵席地草爲茵跌坐畧爾汝露頂青林間注視山童  
舞歸來思聚會搏沙非虛語明發去江東相望如牛  
女君侯志許國此別何須數願言樹華勲臯夔方足  
侶

題樂耕手卷

江南有佳士不爲世網嬰每懷鹿門人高風欲與并  
負郭有良田種植資餘生非無日中市肯向操竒贏

非無濟世才肯用邀浮名愛此田家趣執耒時躬耕  
俯仰有餘樂無勞憶尊羹天爵古所貴適志豈公卿  
嗟哉蝸角間紛紛空闕爭

題蓉溪送金庶憲舜舉

岷山鬱嵯峨岷江清且駛靈秀完以固鍾英未易指  
沂流向蠶叢彬彬溢青史古涪蜀東北山勢伏還起  
溪流繞芙蓉澄清非沼沚誰哉住溪濱知者固樂此  
上世本少昊支派遠有自近代發名科組綬傳累世  
君侯復允宗憲節歷二紀滇南頌隨車薊北忻攬轡  
荆湖再遷秩風聲益播美亨途方縱步霜蹄倏遭躓

嶢然絕塵汗譬彼蓉溪水得失等浮雲軒冕又銖視  
拂袖返舊廬舊廬足棲止興至燃吟鬢客來盃俗耳  
巾車時慕邵接羅欲懷李興居惟所適箕裘已可恃  
感慨爲時增節義誰堪比但恐蓉溪上未容久掃軌  
賦仰蘇堂爲陳宗之亮之昆仲時亮之守廣  
平而宗之赴山東適會又屆端午日故以名

堂也

睽違忽相逢佳節適端午喜慶溢黃堂離群方識苦  
天倫敦宿好樂事未易數退衙啓清宴感時陳角黍  
豈欲故從俗棄忠獨悲楚寒溫叙踈戚見曹誼笑語



東川集卷之二十二  
王薤不停斟龍團親汲煮緬懷古二蘇友愛真堪祖  
乃復有如君椎才敵詩虎曠世感此竒無一或齟齬

又

二妙起江東如玄出典午聯鑣奮高科豈識別離苦  
清才廊廟姿齷齪不足數譬如世間物可無稷與黍  
守官各一方名聲銷楚楚分携幾浹歲忽此對床語  
歡笑及兒童和氣溢烹煮竒跡似眉山仰止非無祖  
詩篇爛珠璣專羨豈繡虎願言企遐躅一一無齟齬

題鄉賢祠祀曾子開

雅道漸陵夷淳風孰能乘紛紛功利徒浮靡競相凌

詎知彼春華而匪秋實稱荆楚有先哲訥訥如不勝  
潛心味道腴苦學力去矜深造得三禮如醫名折肱  
崛起自高科新得日益增振鐸幾覺舍摳衣環友朋  
膏馥恣沾丐雲衢競騫騰傳家亦此物後先次第升  
令甲重鄉賢來哲藉以興先生懷令德翔祠共推登  
薄俗坐歸厚指南斯爲憑乃知詭譎者盛氣空填膺  
清風聳山斗俎豆永相承

南園三蒼

人生駒過隙何用蝸爭戰榮華亦有時迅速如掣電  
顧惟丘壑間容獨不專擅眼底曷相違管中豈未見

義路任茅塞權門恣遊遍甘心逐勢利得志忘筆硯  
乃忽有如君豈不競健美大書金吾豪疊詠金閨彥  
相從顧執鞭縮地思見面緬懷南園居積書盈幾卷  
六韜束高閣諸子陪清燕烽火了不驚溪山真可戀  
綠竹凝寒烟挺節非矜銜清渠遶帶流激石澗如線  
浮光起蒼坪周道白鋪練橋梓雖各殊俯仰應相睠  
杖藜恣閒適班荆侵野舊回首紛牢籠胡爲不少倦  
功成理則然非固懷安宴世態任雀羅吾心久不變

送馬汝礪詩三首

芝蘭出幽谷清香被林樾雖無桃李姿可親不可忽

丹漆各有蔽薰猶各異醇與君相結交切磋恒刻骨  
而乃羈宦途南北相隔越翅首青陽山白雲飛突兀  
爲山始一簣學海從百川蠢蠢薄層霄茫茫浩無邊  
好古寧諧俗名教不可愆人心自有神篤信貴益堅  
遷秩雖亦崇旌德尚遺賢彈冠且爲慶不愧祖生先  
官怠每宦成慎終當如始先民有遺言景行思行止  
憶君勸駕來發軔從司士不寃企于公持心恒如水  
佐郡屈名賢豈伊曰棲枳式序知絕倫脩途遲遐軌  
願言崇令德歲寒松柏似

題墨竹爲史都憲乃郎

挺挺歲寒姿，倏然拂雲谷。託根從渭川，樹植當淇澳。  
有美淇澳翁，空空如不足。勁直聳青霄，清風播黃屋。  
節操欺霜雪，濟世時稱獨。履道豈徒似，造化歸心目。  
須臾一運掌，生意滿綃幅。過庭森諸郎，積書常課讀。  
此君不可無，肯使墮流俗。慨彼懷鉛士，名利紛馳逐。  
譬如桃李花，當春競發育。嚴冬此獨存，未數凌霜菊。  
季子富才華，風標真世族。脫畧膏粱味，經史充腹。  
顧茲媚世才，猶疑不稱服。搦管揮此圖，韋弦代常祝。  
窮理願虛受，撝謙若低伏。嗚世慕蕭韶，策勲思簡牘。  
翁意繪素中，誰能以詞暴。愧無屈賈才，命騷如奴僕。

聊爲述短章不厭貂空續會看憂玉音鳳池踵芳躅  
送陳崇之巡按太平諸郡

在昔聞青箱風流千載下嗣此豈無之象賢曷其寡  
若家著霞城世德歸儒雅崛起自先朝蟬聯跨驄  
馬稜稜樹風望詞色不少假羨彼方伯公文魯齊王  
暉敷教本在寬士類資陶冶名臣敦採輯實錄非虛  
也乃復有如君玉樹真堪把鳴琴再宰邑甘棠思未  
捨簪筆侍形庭風神凜清灑南畿股肱地巡行寧  
苟且簡用自宸衷而豈泛遣者君諒秉文德才華  
並董賈攬轡當此行持心類飄瓦隨車沛帝澤帡

幪不論屢坐見誦兒童謹呼徧農塹信哉繩祖武吾  
儕藉自夸與君久忘形可懷恣傾瀉

送李僉憲陞副使還鄉

策馬都門南衣冠紛餞宴津津生喜色借寇諧夙願  
憶公起文江西曹始登踐平反累課績蜚聲誰復先  
爰陟自臺即於蜀假持憲轡車後經歷澄清稱獨擅  
恩施藹陽和威肅閃驚電狐兔潛無踪弊孔塞亦徧  
抱忠心固赤論事聽忘倦嗟蜀距京師迢迢踰幾傳  
客舟泛江峽仰視如一線舍寃卒莫伸大暑懷書扇  
集事吏稱能剜肉孰垂眷邇來獲安堵知有公視篆

私心恒汲汲在庭多論薦孰不求好官薛尹亦換縣  
乃倚 聖主明階前萬里見晉秩任不移欲慰疲民  
戀茲行諒非偶腰金何足羨願公疾驅車民久思見  
面

送涂邦祥歸省

得旨容歸覲年來願不違時厓莊鳥念日整老萊衣  
粟里椿方茂萱堂樹正菲

齋書膺寵錫鵬翮逼雲飛史筆持分局文華侍講帟  
敷陳商傳鑿袞鉞董狐希靈秀鍾南海詞章動紫薇  
曲江風尚在青璧望同歸始醉瓊林宴初承玉麈揮



駕班天咫尺燕語月光輝別浦無勞惜群居偶見稀  
蘭香方有賴蓬直欲何依孝以忠爲大人因隱得譏  
遺羨雖可駭叱馭豈云非賢哲邦家瑞功名華岳巍  
式遄旋軫日分袂再申祈

送秀水教諭王成憲分得下字

薰風拂禾黍芄芄蔽四楚眷言南畝功誰持東作者  
菁莪在中阿棫樸歌大雅治世本得賢而豈異代假  
譬彼在鑛金成噐資大冶昌運啓 皇明文風扇華  
夏木鐸振橫序治功卑苟且行行取征途執手恣心  
寫學行敦模範收威藉楚檟蘇湖藹德音千載猶在

把景行紹無爲前脩誇稷下

奉和匏庵先生板屋詩韻

陸處笑張融視此風斯下  
幘幘實藉之俛仰非虛者  
心比竹樓清欲同茅舍寡  
壯屨感鵲巢覆蓋謝鴛瓦  
空洞自生白脩飾豈須赭  
插架有遺經施門無行馬  
纂述退自公吟咏於焉坐  
海月或意會葦壑如巨舸  
置身近斗室游心隘函夏  
制度創賢哲古朴懷琰竽  
龍門喜遂登妙處難盡寫  
畫舫未能過安得無傳也

和匏庵愛日對雪二適韻

玉樓聳如山采暇傾鑿落  
愛此冬日光爲我獨燠灼

東坡全集卷之二十一  
一  
曳履向西簷露指非東郭水溜勢如烘雪消誰擊搏  
炷香滿石爐拂几安銅雀簡編聊自觀和風彌六幕  
却懷漆室憂孰用爾爲譖室廬處處空氈裘惡仍作  
大將父西征何時賜軟脚栗烈莫侵肥感時力難著  
炙背心雖縣才踈筆常閣安得覆盆中照臨同此樂

右愛日

徙倚眄庭除亂飄隨處白飾穢渺無遺同雲山似易  
斯須疊塘坳高下頻堆積對此心怡愉漸覺寒生脊  
酒力未能勝茶爐空置側漠漠若平鋪密洒誰相逼  
緬懷閉門士高卧僵肘腋望遠心益舒不爲藩籬隔

白戰欲登壇愧無金石擲詠歌傳大家珠玉照簡冊  
云當兆豐年田疇靡龜拆庶慰憂 國心賞玩豈自  
適 右對雪

和邃庵先生詠葵

百卉多異種豈無他可植菟菟繞砌生似愛少塵迹  
未有金紫姿亦無姚魏色珍賞獨不厭坐屢移當側  
鑒貌固尋常論心自竒特惟知傾太陽肯爲物遮隔  
誰先得我心於焉深嘉悅銷恨與忘憂盡向堦前滅  
先民草不除反觀可成德未能究此懷搔首空嘆息  
紅紫向陽開穠艷了不移回眸視他草焉然無能爲

東川集卷之二十三  
十一  
挺挺烈焰中，傾誠不自疑。  
花卉生大塊，品類有參差。  
誰能於此種，賞玩獨心怡。  
及時還徑造，受氣有榮萎。  
栽培加愛惜，坐久忘歸遲。

和敬所內直選官房韻

苦熱洞開牖，炎日乃相侵。  
野航寧許渡，小憩綠林陰。  
賞心事每違，如農望甘霖。  
密雲喜布濩，四顧盡蒙霽。  
雨脚亦垂垂，沛澤行淹淪。  
惡風倏淨掃，所望空自深。  
維南苑嘉木，清樾蔽森森。  
鳶魚察上下，適性自飛沉。  
反觀滌塵慮，兀坐整虛襟。  
停雲若張蓋，莖菊慢搖金。  
蟬聲噪高樹，孤鶴附喬林。  
豈不懷歸去，白雲繞碧岑。

荆榛未剪，豺虎任登臨。安堵知何日，仰屋空興心。  
緬懷卧龍岡，誰思抱膝吟。賢者當濟世，莫謂少知音。  
次韻紀王戶侍徙呂梁罹水居民

蕩析薄洪水，巢穴亦未如。豈無肉食彥，曷謀爲我除。  
晨夕恭籲天，無由奠厥廬。君侯儵云至，謳歌起無襦。  
民心良獨苦，感此靡趨趨。視彼高原有力固，可攄  
毋惑爾安土，蓄鬻亟紛鋤。毋厭爾勞役，災患無所祛。  
經營僅浹歲，昏墊乃安居。昔時棄荒野，今日成比閭。  
遂令馮鹵民，心目一旦舒。伐木欣燕會，彼此迭相於。  
公勲非止此，此其舉手餘。吾民敢忘德，再拜爲特書。

挽伏羗伯毛忠

轅門推氣槩長劍倚崆峒談笑清沙漠聲華震犬戎  
九重資武勇千里仰英雄壯氣銷烽火精忠貫日虹  
竒功當復建鏖戰忽成空封謚昭勲業哀榮賁始終  
聖情嗟未已廟貌祀無窮伏讀 天王誥河山誓共

崇

五言律詩

二月初四日

聖駕初出朝次韻

垂拱龍樓上瞻依咫尺間羹墻常在念父子本相關  
麗日光丹陛 祥雲散玉班共看鳴珮士無一不歡

頰

次劉工侍文煥舟中寫懷韻

役役迷岐路誰能守舊聞  
澄清應似水變幻豈如雲  
野壘浮烟色江波湧縠紋  
靜觀還自得况復有殊勳

題連枝手澤卷

藥向釣臺寄詩從故國  
裁無端鴈行詎空附鶴書  
來  
伐木應堪誦燃箕豈浪猜  
漫懷千古事多少異提孩

題風泉閣

結構昭前烈風泉本舊名  
地環山外秀治挹閣中清  
水色連天色松聲雜鳥聲  
登臨頰感慨仰止不勝情



重慶院中

坐見山如畫沿堦草自花翠烟浮近市綠樹隔隣家  
愛國心應切疲民事莫涯何當罄仁術不待救瘡  
疤

一雨隨車至陰崖盡放花桔槔收野圃襍襖振田家  
豐樂當無極窮秋覺有涯憂民誰獨苦苦劑自消疤  
清淮迎養

墨綬君恩重河陽思不禁買丹從此去就祿喜親  
臨喬舄知仙跡萊衣愜素心何妨公事了家慶酒頻

斟

栢臺司諫

柱下豸峨冠霜風六月寒  
清朝非可諱緘口豈能  
安報國心元切謀身計不難  
但求公是處肯厭皂囊  
彈

驄馬行春

拂署綴鴛班承恩出漢關  
吏人應落膽風采欲搖  
山甘雨隨車沛清塵逐處攀  
相須乃仁義寬大可崇  
姦

花縣鳴琴

百里縮銅章公庭白晝長  
民間多禮讓埜外盡耕桑

政有中牟異名從藝苑揚薰風操古調花樹幾成行  
不見梅

天意吾安測衝寒未放梅碧霄空舞雪紫陌絕浮埃  
何遜徒懷切揚州幾欲回願憑鄒衍律吹得數枝開

問笛

是處桓伊笛聲聲巧弄梅清浮江漢月靜遠市廛埃  
葵藿心雖壯尊鱸念莫回喜逢知己客懷抱得常開  
得漢雜詠四首

四郊紛寇壘按堵屬何人太暑逢時退和風逐日新  
頌聲常不歇吉語更傳頻兀坐茆簷下無勞慕葛巾

步徠前村暮雲山分外清  
壺觴逢莖老刀斗感重城  
忍棄生民樂甘從鬪蟻爭

聖明應遠燭牧愛幾留情

夜坐不成寐頻挑天祿燈  
感時悟已晚展卷讀何曾  
清世空閒度衰顏漸覺增  
龍門每翹首山色聳峻嶒  
地僻經過少村翁任往還  
年豐慰憂國興至喜登山  
官事何時了浮雲若箇閒  
歸來步月下稚子華門關

送友人

送送城南道何蕃太學歸  
寒深風撲面日暮路分岐  
客思行應慰君恩欲自知  
歲華若流水珍重副心

期

和馬先生雜詩

拂曙趨書院鍾聲欲徹時路隨闕左入會以日前期  
宴笑緣心合徐行豈力衰連宵凝雪色入眼景多奇  
藝苑才傾峽詞垣聲獨步自知竭此心殊恠迷岐路  
倚玉幸同鄉投桃辱奇句空函乏瓊瑤持報恐謬誤  
玉宇瓊樓聳深嚴分外奇才踈塵俗戾性靜此齋宜  
乞巧猶爲拙慙虛似欲歌願言慎終始無負

聖明時

冬至旬初淡河流尚未漸捲茅風亦惡盈尺雪偏奇

旱魃誰當念凶年此解醫端居慙肉食笑欲動人知

又

書館居中禁清幽獨愛之避囂塵染可礙日雪消遲  
句讀完公事推敲賦雜詩午炊方及罷又報是歸期  
晨興居禁院函丈更無之授業生徒少言歸僕馬遲  
畫墁鄒氏訓勵志茂先詩前輩風流在深慙負所期  
竟日書齋坐悠然自得之竹陪松競秀水與雪消遲  
授簡寧能賦濡毫強和詩續貂知汗目郢正是心期

和白先生補瓊林宴詩

清問明時舊登庸此日新九成鳴舜樂三試起儒珍

瑞靄雲霄上光依日月晨唱名人側耳送喜市搔唇  
志愛忠貞大文歸六一純樗材當自勵不敢負

皇仁

和吳學士丁祀晚過湖堤

薄暮湖堤上秋聲樹杪中月華浮水面雲氣繞天空  
翠靄輕籠市紅塵細逐風數株何處栢歲晚倍青葱  
駿奔供歲事百職蒲庭中香霧浮文殿踈星點太  
空揭虔忘永夜對越喜清風望氣知昭假天心正鬱  
葱

春行渝川和熊繡衣韻

冠蓋分岐路輕雲映碧天  
甌窶空見祝磬室若逃禪  
風景當今日問閭憶舊年  
感時心百折豈待直聞鶻  
徙倚東郊外誰懷旱暵天  
隱憂如遘病露禱似參禪  
時川旱雷雨當中夜沾濡定有年  
遙知羈旅者亦不  
怯啼鶻

挽徐州教授

一代豪華盡修文地下深九原  
棲宿草雙壁映仙岑  
月旦推潛德箕裘續好音  
平生遺愛在苑苑覆槐陰

七言律詩

文華殿賀歲



瑞日瞳矐萬里天共看占應喜新年香薰寶殿浮  
仙仗雲繞瑤山擁彩箋天意却如人意好物華似  
逐歲華鮮朝回正憶趨蹌地即事誰投白雪篇

承天門候駕

鳳樓縹緲靄雲烟瑞雪霏霏綴畫旒百辟垂紳當祀  
立九重御輦自郊旋禁鐘隱隱鳴天上宮扇叢叢  
擁日邊慶賀禮成還自慶眼看盛事幾經年

郊壇分獻

庭燎高擎紫焰齊鑿輿墜入五雲迷月明忽睹  
天顏近夜未遙看斗柄低壇任分方皆拱向神緣依

主各標題却慚對越無他祝仁壽惟思海宇躋

風靜壇高絕點塵歲餘執事又更新官叨分獻偶當

鎮時分獻北鎮心在居歆若拱辰樂奏九成崇大禮齋嚴

三日合群臣幽明一念應昭假萬物同沾有脚春

慶成宴書事

慶成宴啓歲華新 鳳曆看來始浹辰班列 殿東

慚已過 恩從天上荷尤頻 御筵照映光騰日酒

華醲熏醉逐人願得 賜脯如漢詔海隅無地不同

春

元宵應制

禁苑疑開陸地蓮  
綵山高結五雲邊  
紅塵不逐宸遊動  
紫霧常隨御幄纏  
鳳管聲和諧舜律  
龍樓春入泮  
堯天昇平何幸躬  
遭遇帝德誰知誦罔愆  
錦簇龍燈燦列星  
異香馥郁繞宮庭  
翠華幸處祥雲擁  
仙樂呈時綵仗停  
和氣却看彌禁闕  
春風從此徧郊垞  
天教此夕同民樂  
月滿晴空照八溟

又

萬朶蓮開禁闕深  
笙簫五夜震韶音  
太平有象歌難盡  
已見春光滿上林

鰲峯矗矗殿東頭  
一道烟光五色浮  
天子宫中方

獻壽月華如水浸皇州

紫禁沉沉玉漏長東風不斷綺羅香山棚結綵春爭  
展寶炬搖紅月共光雲擁鑾輿浮 袞繡樂隨仙仗  
下 鸞皇 聖情便欲同民樂弛禁仍傳舊典章

里巷才看慶歲新又當此夕樹燈輪清光先得

龍樓月淑氣初回 鳳闕春旭日消殘平地雪暖風  
吹盡化衣塵 九重喜見豐年景賞宴宮中不費陳

又

擊壤紛紛道上歌太平風景欲如何月華此夕侵燈  
燄稜雪當春兆麥禾

春色遙看蒲 帝家光擢火樹放銀花東風從此回  
寒谷處處郊遊擁繡車

錫宴禮部

一代成書喜就編容臺錫宴又傳宣共知故事非修  
史未有如今得肆筵陪位公卿皆被 旨感 恩詩  
賦幾成篇遭逢幸逐清塵後不媿疎庸取次聯

大祝改卜

敬天非但祖神堯祀事尤嚴在 國朝改卜何嫌無  
舊例竭誠莫過是南郊雪消野壠饒春意雲歛長空  
煥斗杓連日新晴似清道漫看對越奏虞韶

以宮僚 賜文綺寶帶有述 諭德叨 賜

大紅羅段紗三表裏俱五彩粧鴈蓋四品  
服也 璫瑁帶一束此數十年所無賦此紀  
之

供奉朝趨禁掖東忽頒濃賞向 春宮香凝寶帶圍  
腰重錦出天機映日紅借服共憐從厚施拜嘉深愧  
報無功十年四次叨 殊渥此會湏知不易逢

丁未登極賞白金五兩辛亥進寶錄賞白  
金三十兩衣二襲壬子建儲賞青紵絲一  
疋至此爲四餘有舊典此則 特恩也

錫賚承賁紫宸聖恩非但重儒臣衣盤雲鴈

官家樣帶截文龜嶺海珍稽古何能蒙異寵授經

無補愧前人從巾至履皆君賜惟有元來此一身

宰輔羣趨紫禁東遙瞻鶴駕御青宮天香散繞隨

風細錦幣鋪陳蒲案紅拜寵共憐希闊典捫心寧助

粥諧功好將盛事歸歌咏此日明良曠世逢

曉傳溫詔出楓宸給賜東朝侍從臣衣備四時

常可服帶非一色總爲珍極知在笥叨承寵剩欲

書紳肯負人文繡有餘惟自愧莫將令問行

後五月十一日賜鱗魚敬所有詩用韻和荅

傳宣有 詔賜鮮鱠登受恭趨拜 玉墀經月渾疑  
纔出水開冰 取尚流澌便教分給思榮惠更喜親  
嘗得賦詩飽食大官爰無補但慙才劣敢論疲

壬申五月十二日遽庵合九卿臣僚上章左  
順門有詩紀事次韻一首

雲歛長空麗日遲諫書隨捧向 彤墀効忠豈爲身  
家計用志應非世俗移但願 君心誠可感不愁民  
困力難支連宵細讀名賢傳慚媿無言祇自知

元日即事

歲序相看是履端春風陣陣振和鑾百官慶賀



東宮出中使傳宣 聖體安日繞龍旗應送鴈雪殘  
鴛瓦尚生寒 官亦免羣僚拜佳節雖逢不敢歡

己卯元日

歲月驚過似急灘感懷種種上眉端自慚樛櫟成何  
用無計閭閻爲少寬喜入新年隨俗慶遙瞻北極仰  
天看舉杯縱飲屠蘇酒萬國安能共笑歡

冬月二十九日適懸弧二子一女舉酒爲壽  
感而賦此用志喜也

虛度春秋三十三平分兒女喜多男盤殮鮮具來爲  
壽晚拜能成未是愁但儘吸川歸側弁不勞墮珥與

遺簪却懷罔極真難報賦就新詩祇自慙

竊祿詞林已六年懸弧此日百懷牽劬勞寧竭涓埃  
報榮宦纔承雨露偏戲綵有堂雲路阻乞

恩何日 聖情憐太行只尺西南外心共梁公百代  
先

得舍弟發解信詩以志喜錄猶未至

發解浪云歸小弟初聞顛倒着衣裳名從使者傳來  
似望極家山喜欲狂路隔雲泥方在念事同衣鉢偶  
非常致身元是男兒志贏得親庭醉幾觴

姜被情分蜀與燕心旌日日爲君懸穿楊枝在終當

偶薦剡書來幸爾先鼓鼓似能齊赤幟頭頭還欲等  
青錢弟兄發解真叨竊可使浮名獨浪傳

鄉賢此日屬賓興姓字新傳又首登秀在兩州鍾豈  
敢善于吾祖積真能設施莫遺功名誤培植須知爾  
我承四代笏袍 恩亦異剝多清白爲時稱

提鉛白屋幾年中此日纔承一薦雄心在元方吾未  
易名于蘇轍爾應崇懷人不但如棠棣刮日元非似  
阿蒙話入西堂真可喜庭闈迢遞蜀川東

壽陳本仁司寇

仕路清聲重縉紳歸田 恩寵出群倫諫垣有疏皆

忠赤時事無心不指陳邊徼尚懷裴度績林泉不道  
武陵春瑤池多少稱觴客豈但見孫勸酒頻

壽陸司馬母 母華孝子之後也

千載猶傳孝子名衣冠不但本支榮宜家斷織誰能  
似雉瀆陳湖舊有聲甬里每懷青鳥下燕臺遙望婺  
星明應知歲歲稱觴處金母懽呼動蒲城

壽宗伯伯母宜人八十

江南西去說鵝湖喬木叅天傍路隅人戶芝蘭看滿  
砌賀筵車馬欲克途管絃聲震宜人壽珠玉光騰海  
屋圖從此誼傳識王母望雲何止祝 皇都

壽王太夫人狀元母

禁城西去管絃誼朱紫紛紛欲塞門共爲慈闈稱壽  
喜謾將福履向人論大魁天下方推子甲榜年來又  
賀孫白髮恠看常轉黑名郎無日不承恩

壽張司寇乃翁封如其官時具慶迎養於京

師

白髮緋袍謁紫宸一時風采動儒紳尚書官自爲  
崇秩司寇封應有幾人具慶豈居重慶下朝衣允勝  
綵衣新每看退食稱觴處繞膝蘭孫勸更頻

壽朱吏侍懋忠叔義官

世族由來不浪傳如君尚義獨超然衣冠豈爲趨時  
好泉石還應似地仙經訓有人承舊業名科拭目紹  
前賢高堂壽域開新宴更喜齊眉動四筵

壽周都憲借夫人七十和馬紫厓韻

見說仙都不老仙垂肩艾髮似青年仕途未厭隨人  
後操節誰能屈指先汗簡有功留嶺表塵埃無夢到  
樽前齊眉謾憶當時事稱壽惟懷五福篇

世事人間浪說竒如翁雙壽幾人知封膺位號皆  
殊渥歸有田園是舊貲金露每從花下醉板輿不向  
雨中移恰逢誕節稱觴會笑拭方瞳看壽詩

壽毛侍讀父母

方瞳炯炯鬢如絲  
戲綵堂高傍斗箕  
膝下五常誇馬氏  
朝端一子重明時  
春遊每與魚軒並  
午夢惟從鳳闕馳  
便是木公共金母  
百年何用說期頤

壽羅通政父國子先生

風範當年舊接隣  
鄉閭何止仰儒紳  
執經門下士多貴  
薰德林間俗盡淳  
白髮每看渾不變  
青山常喜獨相親  
綺筵又見君恩渥  
晝繡萊衣煥日新

壽鄒太僕少卿宗道

道鄉苗裔舜江濱  
風節稜稜動縉紳  
家有一經能致

用官無長物只安貧廿年  
堯陛恩光爛萬里萊階  
彩色新更喜孟光共眉壽  
白頭林下日相親

壽溫廷寶父九十

長庚光映少城隈九十仙翁背若鮐  
醫國源流傳橘井封銜清要屬烏臺  
堂開畫錦勞王事詩誦南山舉壽杯  
隱德自知當厚報五湖何必獻蓬萊

壽徐太安人朝文母

憲府爭誇教子功庭闈真有世儒風  
頭無白髮身應健掌有明珠福日隆  
戲綵望幽炎嶺外倚門喜溢壽筵中  
更從何處揖金母七十慈顏轉似童



壽王亞卿先生乃兄

高風真是彥方儔家住龍山幾十秋  
白髮常爲老菜舞紅塵不上子陵裘  
長庚夢噫看雲地重慶圖開壘  
闕樓無限容臺同氣意舉觴遙祝  
鳳池頭

壽馬都給事舜達母八十

甲榜親看教子登世家袍笏喜相承  
貽封有典恩方渥就養無違祿漸增  
花外魚軒春日麗海南鵬翻碧雲騰  
從今黃髮並兒齒王母瑤池欲共稱

壽吳黃門父梅莊

屈指春秋七袞臨烏紗纔見二毛侵  
官封諫議非通

籍慮在生民若切心厲俗行堪追  
往古過庭訓已振  
來今梅莊豈但真侔德常伴寒塘對月吟

壽石季瞻給事中父施南經歷及母孺人時  
季瞻得予告歸省

畫錦優游福履綏白頭偕老被恩私  
封章誰得歸榮後戲綵剛臨祝壽時  
慶積有源應自遠心閒無日不爲怡  
從今歲歲常雙慶不說天仙乞肉芝

壽陳寺丞母九十

辛苦閨門業已成天將強健被恩榮  
晨昏問寢諸孫在九十盈簪黑髮生  
掌上有珠方瑞世人間何物

更完名昨宵南極騰雲漢桑海還看幾變更

壽趙繡衣父九十

見說仙鄉是壽光菊潭應不異南陽已看花甲重周  
半還指椿年與共長林下幾多誇鶴筭朝端誰復  
列鴛行年家雅有通家好安得登堂一舉觴

壽宋御史父八十二

壽筵高啓近蓬山貌若神仙渥若丹鶴髮常看朝市  
隱豸冠不逐雪霜寒祿移烏府堪爲養酒注青州謾  
合歡八十年過還八十封章重錫錦回鸞

壽余邦臣母夫人時頒詔還家

峨眉矗矗錦江濱黛色參天幾萬春念母不辭傳  
詔去壽親願與此山均久存常祿堪供饌尚有諸孫  
欲逼人膝下稱觴歌鶴曲世間樂事孰爲真

壽唐少叅八十

勇退誰能早着鞭高風真不愧名賢甘棠蔽芾猶如  
舊銅狄摩挲幾十年綠莖有堂堪笑傲紅塵無夢到  
林泉從今花甲應重歷未許桃源浪說仙

賦松鶴圖爲朱憲副壽

松鶴誰爲獻壽圖楚江遙隔綵衣趨節欺霜雪凌雲  
表聲入烟霄唳海隅直榦自膺廊廟用 明時常與

鳳鸞俱從今閱世應無筭陪養親承 帝渥殊

壽孫幼貞父母七十受封

鴛班初綴錫 龍章絲竹聲 誼具慶堂伉儷榮封  
恩已渥岡陵壽介日方長白垂素髮華衣錦紅映朱  
顏醉引觴福履庭闈知未艾賢聲在在說名郎

壽封地官兄六十

築室依山遠俗紛青松綠竹欲凌雲書綠舊業時攤  
看田愜幽懷日課耘避地但知爲善樂教兒只顧好  
聲聞時見子鶴年參議  
淇藩誠之甚嚴吾兄壽祉應無筭千歲於心  
未足云

谷口烟霞不染塵青山繞舍若比隣行多好事非違  
俗頌蒲鄉人愛濟貧教篤義方思報 國官封顯號  
喜垂紳世間福履誰能似應與王喬是等倫

壽王郎中濟父竹坡居士

家住齊安傍水濱瀟瀟翠竹隔紅塵堂開孝友

絲綸重慶積詩書 雨露新歷歲纔看週甲子瞻雲

誰向祝 楓宸從今不羨錢鏗壽直與南山共等倫

壽張員外父母

通玄何處見雲仍七袞纔看素髮增水部馳 封恩  
已渥烟波垂釣世方稱魚軒共向花間度鴈塔閒看

膝下登齊壽堂高何日到漫歌鶴曲望金陵

壽黃以文九十一

屈指春秋似伏生謾扶鳩杖樂升平雲開甲第連塵  
市月近中秋滿帝城兒女稱觴多白髮碧霄呈瑞  
煥長庚登堂酌酒爲翁壽綠鬢朱顏照眼明

壽彭太守父

教鐸三楊向大方門墻桃李幾成行恩封兩荷推  
林下祿養常看寄帝鄉松菊有情同笑傲湖山無  
日不徜徉從今壽筭應無限戲綵兒郎帶已黃

壽曲評事父七十一

七十年過白髮侵，詔歸應慰越人吟。  
解紛曾宰陳平社，辭謝寧貪伯起金。  
綠蔭槐堂培植遠，官寵榮深錦衣見。  
說稱觴日青鳥，遙傳鶴駕臨。

封棘寺

壽封君

鬻舍新從粉署遷，封街何用說神仙。  
林泉勝處遊常慣，歲月閒時得最偏。  
桃李陰陰連上苑，詩書繼繼仰前賢。  
倚門恰喜即君壽，不似莊椿只八千。

壽羅太監母七十

四十年來陟岵心，埜燕南越鴈書沉。  
一誠敢謂天能鑒，萬里誰云母忽臨。  
福在慈闈方日盛，祿移中貴荷



恩深今朝爲祝南山壽  
北海清尊酒滿斟

壽趙太監忠

南極星明夜未央  
壽筵高啓帝城旁  
管絃謾奏南  
美曲錦繡新凝百和香  
濟世才華歸簡任  
遭時寵渥倍輝光  
一尊願致長生祝  
冀茨初開雨露漙

壽唐指揮七十

武畧桓桓壓衆英  
遭時誰得遇昇平  
纘戎不解要官爵  
賈勇惟知在耦耕  
七十喜看開壽域  
八千共用祝長生  
夜來翹首觀南極  
炯炯當空徹曉明

壽夏秀才父八十

見說童顏似渥丹，幽居爲愛傍溪山。  
扶筇時步青松道，洗耳常從綠水灣。  
塵世幾人多閱歷，雲衢有子看躋攀。  
莊椿便是翁眉壽，何用馳心覓大還。

壽鄒處士八十

八十年來舜水濱，冥冥何處逐清塵。  
林泉雅慕墻東隱，簪組誰懷席上珍。  
志在高山心自適，坐圍修竹日相親。  
更憐膝下青雲擁，駐世何須欲納新。

壽饒義官父母六十

椿萱共喜白頭新，甲子初周六十春。  
家在湖田名尚義，身非肉食惠遺民。  
旌門恩重風流遠，戲綵堂高

福自申積善從來有餘慶連朝歌管祝生辰

壽天壇道士

遁跡仙家幾十年羽衣常伴白雲閑崆峒有道非空  
慕緱嶺何人欲與肩玉體從教終日醉金丹不羨昔  
人傳謁來稱壽多仙駕盡是浮丘共偓佺

賀碧川楊先生視篆玉堂次文瀾韻

華國家聲海內憑冰銜兄弟耀霜凝聯芳人已傳如  
及視篆公今喜復承鏡川亦學士掌印清白尚能規後進勲  
名端不讓先丞鏡川後兼府丞蹇予雅有高山念學步惟

慚似壽陵

指南何處欲爲憑，門外清槐曉露凝。  
華省秘書常自檢，鑿坡好事每相承。  
登庸已見名中禁，致位行看到左丞。  
兄弟於今恒間出，兩川回首似丘陵。

長陽府輔國將軍直庵以詩賀遂用韻贈之  
高誼常懷許劭評，偶從藩國識韓荆。  
讀書尚友心多樂，愛客忘形分外清。  
詩律直求師大曆，字書不但慕真卿。  
歸來舟次推蓬坐，萬里寒江映月明。

賀張南陽太守

佐郡聲華滿鳳陽，宛城又見震黃堂。  
十年撫字循良舊，千里超遷雨露漭。  
清水源深懷老稚，龍岡跡遠見

羨壻懸知邵杜當年語應作明公頌德章

賀冉宣撫致政

塵網何人獨不嬰青山隨處杖藜行辭榮自是高流  
葦拜命湏知荷聖明一代簪纓看繼美百年泉石  
任逃名酉陽從此添嘉話勇退如君孰抗衡

贈魏撫軍士元

坐擁貔貅百萬兵只將文事控專城傳家組綬歸龍  
戰貽後詩書在筆耕宦業無心隨世俗官評有論重  
公卿轅門行見秋香發鼓篋于今振好聲

贈錦衣王百戶

與君傾蓋廿年時，喜見功名忽四馳。  
官似錦衣人共貴，仕當禁闕路非危。  
交游自與尋常別，識畧寧求世俗知。  
偶一登堂深羨門，相不改若無爲。

賀黃義官

章服新沾 聖主恩共知，卜式義猶存。  
勒功何用當途塞，積善惟思裕後昆。  
家世有人承舊業，林泉何處倒芳尊。  
森森况復連枝盛，不愧當時羨德門。

題邃庵體國堂以都御史督理陝西馬政奉  
勅有志存體國之語揭以名堂故云

天語昭回莅政堂，仰懷德意獨深長。  
地鄰虎落居

衝要任寄烏臺重激揚舊典百年新復振窮邊萬里  
可爲防華山轟轟秦關上見說公名直與方

許國丹心不負初胸中何止五車書烽烟會欲消殘  
盡雲錦纔看出緒餘冰蘖稜稜橫節操 絲綸赫赫  
照清虛從來功業非空建名世何人學術疎

題石淙爲遼庵太宰

丹崖萬仞白雲邊汨汨寒流涌檻泉墜入昆明應不  
隔居當京口若相連平生好尚從心出蓋世功名自  
此傳謾道南陽有諸葛樞衣門下總時賢

題張工侍光復堂

四十年來肯搆心誰容卧榻得相侵  
須知卜築從前代却喜悒悒復自今  
一徑不移應識主三槐重植欲成陰  
歲寒溪上頻翹首喬木千章夾道森

題大雅堂爲胡刑部大聲

見說鄱陽大雅堂雲山萬仞鬱相望  
心於忠節應無愧事在綱常自不亡  
慶澤綿綿流後裔聲名耿耿重篇章  
從來福善歸天道環珮今看翊聖皇

鼎養歸榮爲張司寇

八座晨昏候問安尊榮應勝自爲官  
朝回慣見斑斲舞祿養誰論菽水歡  
錦誥載封恩似海童顏



非醉渥如丹稱觴纔慰迎親意又駕魚軒並轡還

兩浙文衡爲熊先生題

棘闈秋啓浙東西紅卷呈來一批高下每從心上  
定去留未許眼中迷薦賢公合與人論送別詩分舊  
日題回首幾多蓬華士芸窓夜夜照青藜

題芝秀堂廬御史祖事其母守節母甚孝乃

有靈芝生庭前因名其堂

見說金芝妙九莖庭前何得偶然生當年守志非違  
俗此日鍾靈豈浪名膝下更憐能孝養人間誰不慕  
賢聲登堂慢憶君家事慶澤如潮湧碧泓

陳廡使入覲手卷

風采稜稜重太山，共看鳴珮覲天顏。  
御爐香繞烟霄上，仙樂聲來紫翠間。  
慶禮喜沾新燕澤，趨朝猶記舊鴛班。  
一方黜陟歸衡鑑，定有殊恩帶得還。

題大卿竹爲楊尚綱正印

苑苑琅玕拂碧空，渭川謾憶翠微中。  
清風未得開三徑，直幹何當樹幾叢。  
誰向筆端驅造化，忽隨墨妙入簾櫳。  
知君不與尋常友，嶰谷寧無一派通。

題揀花莊爲張僉憲

宦達常乘御史駟，雲莊仍寄揀花叢。  
欲將獨樂追溫

國肯記平泉似衛公  
苦節不嫌違俗好  
醫時應自著  
竒功龍門忽得傾  
山斗乘興空懷浙水東

題懷春軒爲鮑同知德任饒州

無端生意在乾坤  
管領誰將寄此軒  
瞬息可教心失  
養紛綸須識靜爲根  
池開檻外浮雲影  
草滿庭前覆  
蘚痕斗室何妨僅  
容膝閭閻多少泱深恩

題觀省卷爲毛世章僉憲

萬壽恭持 賀表來慈闈  
燕得笑顏開  
山呼聲祝堯階上  
綵服懽承舜水隈  
霄漢有星常北拱  
江流無日不東回  
此行應遂公私願  
只恐輶車就道催

萱堂稱壽爲吳河東養正題

白雲望望錦江濱  
萬里慈闈各一津  
厚祿已酬九贍  
願寸心寧慰倚門私  
官當北地時常祝壽與南山  
欲共期我亦有親羈薄宦不勝感激賦新詩

椿萱榮壽爲黃憲副師大父母壽

南極熒熒照北堂  
百年誰共沐恩光  
琅函錦軸絲綸重  
翠翟烏紗雨露香  
福履自當膺鶴筭  
褒封尚復被鸞章  
木公金母何須論積慶  
從來在義方

韓氏遺鑑爲大名守韓德夫賦

一鑑傳來豈偶然  
鍊金親鑄百年前  
洗心應籍名垂

訓刮垢寧知術有仙上世平泉今幾在故家遺詔亦  
難全梅坡此意誰能會怪底雲仍不乏賢

題椿荆聯桂

晉人常教其弟軌登甲科卒已而軌教其兄子賜亦登第故云

誰傳友愛有幾鄉今見君家弟與兄對榻只教同氣  
好登科恰慰兩人情共憐高誼凌霄漢坐使澆風欲  
變更三復椿荆頻感慨昔賢未許獨垂聲

題世恩堂爲馬郎中懋

世業當年漢伏波親承天語覲鑿坡辭榮不受金  
吾命教子還登進士科龍擁封銜恩獨渥腰圍  
花帶髮方皤日長喜課平反績醉倚庭槐發浩歌

題賓月軒

誰結幽齋隔市塵坐來惟用月爲賓  
盈虧自是依常度照耀時看若滿輪  
簾捲庾樓收霧障風清表渚蹙波鱗  
知君此興應非淺可愛寧論只在春

瀛西歸隱爲李從直太守致仕賦

勇退誰能向急流白雲布濩覆林丘  
榮枯世味應湏識澹薄家風尚可求  
報國餘忠庭訓在牧民遺愛口碑留  
瀛西咫尺如天上無路追陪杖履遊

明時安得遂宜休問水尋山任釣遊  
聖主恩深寧易報壯心歲杳獨難留  
歸來盤谷重開徑會飲香山

東山集卷之三十一  
三十一  
不論籌瀛海元非塵網地冥鴻常見伴沙鷗

爲屈太守乃尊賦八景

華峯朝曦

突兀諸峯萬仞遙曉烟籠日被山腰仙人似出雲中  
掌玉女渾凝月下嬌拄笏每從看爽氣飛霞何止映  
丹青有人應得登臨趣未數終南隱者高

渭水晚渡

卜築誰從傍渭濱平沙渺渺隔紅塵樵蘇有地寧憂  
桂耕牧何時獨少人薄暮好看舟競渡趨歸常與月  
爲鄰杖藜白髮閒來往 聖世真知有逸民

雍嶺呈秀

華山西去亦名山削出奇峯擁翠鬢晴霧欲收青半  
露綵雲輕罩碧連環須知少室終難並未許匡廬獨  
可班屐齒可容尋謝跡會心不厭數躋攀

沙苑獻奇

沙苑當年跡已摧獨成佳景亦奇哉積沙照日踈星  
燦瑞雪飄風白玉堆謾有高人飛逸興更無異蹟課  
時才思鄉獨立黃堂上北望何妨寄驛梅

東園珍果

誰築園林傍渭陽累累珍果幾成行扶筇每息清陰



下抱甕常澆綠樹傍任是紅塵應不到好看黃菊有  
餘香平泉金谷渾閒事三徑寧教一日荒

西畝嘉禾

幾頃膏腴傍路岐生涯何用萬金資雨收麥浪粼粼  
起風度禾香隱隱隨合穎未須夸漢史大田應信詠  
周詩知公策杖游歌處樂意端非世俗知

南浦遊鱗

南浦春深水若河遊鱗應不羨龍梭每看玉尺翻烟  
浪似引金風漾碧波莊叟漫懷濠上樂馮謹誰作客  
中歌如公未許真忘世渭水非熊會見羅

北洲宿鴈

朔風獵獵透狐裘宿鴈何當蔽北洲不憚衝寒挾弓矢直須盡逐衛來牟晴雲映日消殘雪露荻含霜徧遠疇豈謂多君偏好獵蒲前風景豁吟眸

題觀瀾閣涪州廖太守建

傑閣崢嶸傍學宮岷江渺渺自西東觀瀾直欲開心學舉廢非因有夢通衿佩一時歸作養詩書百代豈虛空我來未遂登臨願謾賦新詩紀雋功

涪江江上結觀瀾棟宇凌霄映碧湍簾捲東西青嶂擁地圍城市翠烟團游歌何必形當勝涵養由來本

欲端從此令人發深省不勝翹首駐江干

題異政亭卷爲南陽徐太守

不沾灌溉已多年召杜遺蹤幾慨然造物元非私厚  
利愛民應喜得新泉人歌叔度來何暮惠在南陽謾  
獨傳欲究雋功知異政豫山碑刻筆如椽

題雷州秦守祠次韻司徒紘曾祖

百年廟貌異香清豈第常存死後名抗疏恰投  
明主意改官思慰遠人情春回嶺嶠千重錦月浸溟  
波一片瓊欲識黔黎懷德處百年廟貌異鄉親

渭陽餘意爲陳鳳儀作

同天節賀駐高軒風雨頻將往事論供奉不孤成宅  
相殷勤尚憶舊恩存少失怙恃爲舅氏所教坐氈未暖舒征旆  
別酒重斟柅去轅回首渭陽知己遠瓊瑰遙贈託陳

言

題竹林聯桂送劉天儀第及子赴試

玉樹森森似謝庭承家應有舊傳經擔簦京國忘重  
趺游刃文場久發硯栢府從來遺厚澤桂林此去播  
芳馨法曹翰苑無懸念指日西堂聚德星

題萬松書屋爲麻城劉隱士

名利何人透得關數椽結構萬松間幽懷不用尋花

東川集卷之二十二  
賞詩句常從得意刪  
開徑到門無俗客  
捲簾當戶有青山  
君家詞賦能招隱  
尚許高風不可扳

題韓叅將手卷

一韓氣槩震西陲  
南圃歸來鬢未絲  
愛竹每從亭上看  
栽花常向雨中移  
山圍塾渡時垂釣  
雲透疎簾謾奕碁  
他日涇陽添故事  
清風安得少人知

誰誇兄弟有河東  
今日涇陽地亦雄  
世業但知推郤穀  
功名元不羨終童  
寒生翠竹宜樓鳳  
清滿流渠欲飲虹  
獨立蒼坪玩塵世  
幾多豪士在樊籠

題新居

一軒結構錦江湄  
密密槐陰匝地垂  
草色沿階隨意綠  
山容繞戶任人窺  
化衣未許塵能到  
種藥應知俗不醫  
武弁家風誰似此  
蕭蕭清氣散詩脾

爲宋叅將題松石乃其號也

叢峯一榦聳雲端  
孤石根蟠任歲寒  
凜凜凌霜渾不厭  
巖巖挺秀可容千  
掄材在世應多濟  
適意逢人自喜觀  
從此盟心與相結  
寧隨俗態只交歡

題涪陵張九經三知卷被寇還寄金也

清白寧無畏四知  
三知見說更爲奇  
家歲不惜歸空盡  
客寓惟懷謹護持  
但使心於人不負  
敢因寇欲面

相欺夜來細讀名公傳可慨貪泉世幾移

題文貞祠二首

崛起遭逢豈偶然輔臣勲業至今傳心存貞一知  
明主功被蒼黔頌普天祀典不違歸國論流風非但  
仰鄉賢從今廟貌應難朽忠節巍巍與共聯

祠揭文貞近泮池報功崇德遇 明時傳心制作韓  
歐似柱 國勲名草木知公是豈能違議論遺書尚  
籍決嫌疑試將賢相從前數當代非公欲屬誰

題盛御醫菊卷

黃花采采滿東籬不但當年靖節知富貴未能隨俗

好風標要自與心期何妨  
摘歸觴咏尚有刀圭入  
國醫見說杏林謝凡卉春秋相對總相宜

題茅山書屋

數椽茅屋績溪灣松竹森森映碧山地在百年遺勝  
槩卜當此日遠塵寰心存夜氣歸希聖坐擁圖書總  
訂頑養默高風應未泯新題猶是舊時刪

舟中有懷廖太守

舟泊涪陵起暮烟皆春清讌欲忘還巧於壺矢心方  
怯妙入碁枰敵更堅治狀已知羞俗吏文章祗欲步  
先賢參橫斗轉宿筵散獨有春風滿畫船



龍門自喜得初登，更漏何妨夜轉增。  
花影滿庭紅燭暎，月華侵坐碧霄升。  
轄投敢謂心先醉，星聚空懷恨未平。  
惆悵世多青白眼，北巖回首白雲層。

雲陽謁 桓侯祠

萬古雄威鎮蜀川，倚江樓閣獨巍然。  
當時忠義心難泯，此日神功世共傳。  
遺像尚餘生氣在，空碑欲與後山連。  
我來恭向祠前拜，遙見清香繞座烟。

李渡書 英祐侯祠

千古雄祠倚半山，幾多商舶艤江灣。  
辨香隨意輸心敬，神化何人不仰攀。  
護國有靈應永鎮，涉川於此

獨相關十年祠下重經過  
浪靜風恬福未慳

題雲陽助順侯廟

幾年廟貌枕江濱  
香火從來日日新  
金碧凌霄歸勝槩  
山川分殿有遺神  
當時漢馬心猶壯  
此日曹劉跡已陳  
一瓣清香詣祠下  
不勝仰止徃來頻

送衍聖公襲爵還

闕里宮墻秀氣鍾  
雲仍端不愧家風  
崇儒豈惜疏名爵  
世德真宜服上公  
恩賁九重踰舊典  
喜瞻百辟動群蒙  
游心從此歸何處  
詔旨諄諄聖意隆  
送徐閣老乃弟省兄歸  
爲克溫作蓋其甥也

心懷高士住林泉系出南州亦象賢  
虞鳳在廷方采采冥鴻得路獨翩翩  
朝回聲合墳簾奏別後情隨夢寐傳  
爲憶衡門重翹首渭陽春色渺雲烟

送焦闈老弟省兄還鄉

路繞燕臺入帝畿年來姜被幾相違  
鴈行不厭歌棠棣星聚應占近紫微  
菊水潭深元有本龍岡樹古爻成圍  
考槃謾憶登臨處醉着荷衣步月歸

送孫戶書致仕

詔許歸休荷聖明三湘渺渺白雲橫  
爲儒出處應無媿報國忠勤故有名  
閉戶當年人共識懸車此

日望非輕九峯矗矗凌霄漢遙指東山欲抗衡九峯公別

說而東山即華容劉司馬也

六袞纔登便乞歸 清朝非謂有危機功名漫亦隨  
時就仕止誰能與俗違未許孤舟橫楚渡且看明月  
照柴扉鄉人欲一知公否玉帶麒麟煥錦衣

送傅宗伯致仕

鯁論忠言貫日輸批鱗非是爲身圖自知 聖主能  
容直肯向明時欲愧儒此去聲名齊北岳誰論得失  
似東隅爲公翹首金臺上挺挺青松拂路衢  
投紱承 恩返舊廬黑頭林下見尚書乞歸非慕陶

洪景不負應同陸敬輿綠莖有堂今似昔白雲無障  
卷還舒從來世事如棋局泉石寧容獨久居

宗伯清苑傳公一日抗疏乞休上不許再疏許  
之仍命乘傳以行朝之公卿以公年未至也咸  
相與愛惜其去乃醖餞於郊而余尤辱知賦此送  
之公負大臣之望自貳銓曹至今秩忠憤所激言  
無所忌時方韙之而乃浩然以歸蕪陋之詞故出  
於情也而亦豈但惜別耶

再送傳宗伯

幾年館閣結金簡氣味元同笑語歡遊處在君應不

愧睽違於我忍相看清風滿路當炎暑好雨隨車正  
旱乾調鼎自知多故物暫從鷄距一盤桓

陸司馬全卿出師討賊

赤子無知尚弄兵奮然銜詔向南征華亭家世傳  
來父司馬才名自不輕禦寇此行歸勝筭策勲佇聽  
震歡聲深慙郊壘無由雪珍重收功荅聖明

送王漢英司馬致仕歸

宦海公看獨艤舟風波震蕩任中流才堪用世心難  
盡粒喜逢時志亦酬林下幾人能未老江南勝處好  
童遊歸來正值東籬候晚節稜稜却與儔

白刑書致仕

詔許歸休荷 聖明如公今日始完名 三朝宦績  
人皆誦一品官階世共榮綠莖有堂堪厲俗紅塵無  
憂可關情太平最喜多奇事林下常閑幾鉅卿

送焦禮侍奉使襄府

剪桐不但肇成周擁節應非汗漫遊山斗尚懷荆楚  
士本支元重 廟堂謀 君恩遠向天潢沛 聖澤  
新添漢水流使事於公真不忝歸來敷奏有嘉猷

敬亭覽勝爲張刑侍 封王過宣城送行

喬木參天滿路陰敬亭翹首獨追尋地多靈異猶存

跡水有溪潭可洗心冠蓋望來千里遠松楸夢入百年深爲公謾憶游歌處笑接宗親幾盞簪

送都憲彭濟物總制四川征寇

纔向中州盪寇來兩川又急濟時才需泥荆棘終年在解澤陽和幾日回蜀國空傳司馬檄江頭欲起少陵哀憑公此去銷兵甲禾黍家家次第栽

忠誠耿耿樹華勲許國如公信不群闕下纔知有裴度劔南尚欲待崇文百年樂土懷休養此日荒村苦劫焚拯揀從今歸勝筭早將露布慰吾君

吾蜀盜起五年矣皇上軫念僻遠小民重罹荼



毒命大臣督師進討亦越三年既滅復起者再  
迄於今尚未能掃蕩觀風之使驛聞上惻然會  
御史中丞彭公濟物平河南盜還乃用廷臣議  
復命率師征之蓋欲以急救一方之患也公忠  
義奮發勇於除暴安民故雖受命於功成之日  
畧無難色推其心殆汲汲然思有以紓主上之  
憂者故公卿皆私相喜又謂其才畧之果足以勝  
重任也各爲詩歌送之余與少司寇黃公則蜀人  
也尤有纓冠之義乃求各登卷公又自爲一章書  
於中而余次太宰邃庵先生韻二首不自揆亦續

貂卷末於乎古之用兵者以果爲善而晉謀元帥  
必求說禮樂而敦詩書者公茲行也於兩川之連  
寇若決江河以溉燔火臨不測以擠欲墜俘馘固  
有期矣

送彭都憲征蜀寇

赤子誼誼盜弄兵陰崖無地可逃生憂厓 聖主頻  
西顧望屬賢豪復遠征破竹勢成知不戰持刀人化  
盡歸耕從今樂土應依舊已有先聲震錦城

送都憲蕭凌漢赴兩廣巡撫

幾年違別喜相逢又忽承 恩百粵東仕路翱翔半

天下英聲赫奕震寰中福星此去光騰遠膏澤應看  
潤下降借寇亦知非父別獨懷分手太匆匆

送梁都憲巡撫四川

曾從國史誦封章名德常看注 廟廊擁旆謾勞  
馳鳥道濟時暫假輟鴛行地元天府形猶勝人爲美  
夷困未忘最喜經營歸妙算不須西顧重厯 王  
參井驅馳使者車兩川形勝薄西隅惠留秦楚歌遺  
愛仕歷西南愜壯圖雲漢餘音聲已息茸棠初蔭墜  
猶孤循良竊欲公垂意卓魯于今未必無

送李子陽奉常南京

啓沃常承 聖主恩春風忽忽去詞垣  
慈闈心事誰能慰塵世功名更可論  
典禮暫看達 鳳闕馳聲  
見仰龍門儒臣未許多留滯惜別何須倒酒尊

送楊應寧奉常

風節誰夸漢四知門墻寧獨見  
經師陸遷不逐常資轉位望元從舉國推  
只恐高才淹散地尚餘清議重  
明時江東帶得 恩波去草木行看亦潤滋

送李子陽先生省母南還

定省朝來 玉陛辭幾回翹首白雲飛  
官階初轉心如舊色養常懷日久違  
望逐仙舟非負弩喜看萊綵

更加緋 講幃尚欲煩君念居寵無徒憶斷機

送奉常楊正夫還鄉省親

威鳳峇峩錦水邊寸心常逐白雲縣陳情疏懇天  
顏動子告 恩隆詔旨傳此去萊階非畫繡誰從梓  
里說昇仙還 朝願莫牽離思叱馭何人不謂賢  
霄漢聲名幾許齊不教仕路逐時迷歸來忽喜從  
天上消息先看震蜀西綠野有堂開壽宴背雲繞膝  
接丹梯木公更向何方覓鶴髮麟袍照紫泥

送王器之都憲致仕

敷歷聲名震憲臺廿年楓陛喜追陪辭榮不厭章

上歸夢應知日幾回  
山下耆英當世重  
洛中真率向誰開  
無由杖屨隨公後  
望入三山擁碧堆

送張學士省親

曉承溫詔出瀛洲  
鄉國爭看畫錦遊  
萱背幾年懷定省  
仙舟此日任夷猶  
賜歸寶鑑恩光爛  
舞着宮袍彩色浮  
榮宦有親真可慕  
假期但恐久難留

送張學士南京掌印

山斗名高聖主知  
院章新綰出彤墀  
祖宗根本元歸此  
西漢文章欲屬誰  
中禁從來居將相  
清班不日接臯夔  
龍門幸得稱前輩  
南望常厓仰止私

送王諭德先生乃兄省弟歸吳

姜被團圞隔幾年，提携吳酒上樓船。  
路輕冀北天倫重，心逐江南鴈影連。  
春夢獨懷清晝永，西風猶爲白雲牽。  
湖山踏遍烟霞跡，詩草還看次第傳。

送豐翰編父受封歸鄉

清敏于今世幾更，雲仍宛有舊家聲。  
春風何用懷前哲，模範真堪律後生。  
太史新封天寵渥，西園舊徑錦衣榮。  
爲公翹首游歌處，能隔蓬萊有幾程。

送鄒宗道太僕致政歸

紅塵逐逐任華顛，林下何人早著鞭。  
卿月纔看明

魏闕客星忽見照平泉  
遺榮未老方堪樂  
世業無人豈是賢  
仕路如公應少似  
謾誇范蠡五湖船

送倫狀元父還嶺南

嶺南萬里赴金臺  
教子新登甲榜魁  
宮闕天開香霧靄  
關山秀擁彩雲堆  
看花有約非求仕  
愛菊多情便欲回  
種德如君應似取  
破荒何止慰羣才

廣東狀元自倫始

送曲朝儀都憲巡撫寧夏

面繞河流背賀蘭  
西雄鉅鎮擁長安  
黃麻受寵辭楓陛  
黑髮盈頭聳豸冠  
聖化即今同帝舜  
遠夷何止似呼韓  
知公聲望傾時輩  
不羨當年膽欲寒



送李亞卿石城之南京

兩京對峙肇 文皇根本從來重  
典章侍從暫辭經 幄去姓名久自木  
天揚坐令風俗歸淳古不但文詞  
被 寵光舊學吾君應在念和  
羨指日向巖廊

送吳克溫學士之南京

十五年來宦况同忽承 寵命過江東  
官清未論人 皆識家近應便信易  
通夢入芝蘭渾渺渺聖幽雲樹  
幾叢叢定知不久膺宣召留滯難如  
太史公

送羅允升司成之南京

聖主殷勤在作人特宣 溫詔擇儒臣  
十年翰苑聲

華重此日司成／寵命新大學傳家應有譜陽城往  
事欲誰倫與君不盡同官好洗耳菁莪頌縉紳

送張希寶費狀元表弟

鵝湖山下是幽居世業元來不廢書江路爲親應跋  
涉壯心從此亦開舒五雲縹渺浮天闕萬國歸依  
走使車去去好於鄉里說太和誰復慕唐虞

送王翰檢敬夫歸省

西望庭槐正苑蒼乞恩應喜暫還鄉狄雲不爲終  
南隔堯日湏知化國長魚採羨陂堪入饌酒分光  
祿可稱觴慚予亦有歸寧志早晚驅車出鄆旁

送沈良德使外國

海外傾心 帝德新䟽封又見屬儒臣  
路元通道應非遠喜爲還家尚有親  
銅柱秋深消毒霧玉堂地迥隔紅塵  
恩波帶得應如許不似當年入九真

送周司業祭掃還鄉

夢繞松楸倍惘然承 恩應喜暫容還  
赤城望入幾千里仕路登來滿十年  
上冢漫懷當世事還鄉非羨昔人賢  
趨 朝願莫稽程限可負吾 君寵任專

送羅允恕南還省親

圖南鵬翮逼青霄回首庭闈萬里遙  
退食每懷違問

寢抗章暫欲輟趨 朝文江此去 恩波潤雲路新  
登境界饒兄弟聲名馳海內 閩中何用說三堯

送蔡從善陞南京

十年供奉待 承明門巷蕭蕭宦况清 詩債每從朝  
後課 古人常共坐中評 東南元自稱佳麗 內外何須  
論重輕 此別爲君方慶幸 萊衣爭似錦衣榮

送馬鵬舉省親

萬里西川幾月程 乞歸非羨錦衣榮 五更不斷還家  
夢 一飯常懷愛日情 路入瞿塘春欲盡 雪消岷嶺水  
方平 登雲只好將踰歲 更可膏車上 帝京

送毛給事式之養病

聞道如君固負竒不嫌抗疏與時違  
聲名正羨馳青瑣歸去應非慕錦衣  
高誼喜從今日遂先憂願向古人希  
聖朝信是無遺闕莫愛山中有薜薇

風節當年早已知門墻何止仰經師  
文無源委終非至義有精微未易窺  
制作誰能祛陋習功名肯復惑多岐  
爲君細讀忠公傳山斗令人費夢思

司諫毛君式之疏乞 予告盖有不容已之情於  
其間者因賦此送之式之蚤以經學行誼著士經  
指授者多有成近獲見其所著述信乎名下無虛

士也詩故及云

送劉文煥侍御

鍾鼓初沉 玉陛寒親承 天語出鴛班地當六詔  
乘驄去家在文江衣錦還定省例踈應自慰澄清跡  
遠欲誰扳相思此別歸何處冀北滇南月幾彎

送周廷臣御史清戎浙江

振鐸巴東歲幾更棟梁猶見頌諸生應知操尚非時  
好爲喜登崇荷 聖明桑梓寧教淹憲節激揚何止  
屈輿情東南兩浙歸文獻便有蜚聲徹 帝京

送陳子居天津收糧

后山何幸見風標直節稜稜著 聖朝論事不嫌頻  
奏疏憂民常欲問芻蕘一方儲蓄歸心計幾處疲癯  
載路謠珍重好施經濟手蘇焦莫惜滴天瓢  
瓊林共喜振華鑣幾見東風轉斗杓愧我木天空忝  
竊多君雲路快扶搖別懷此去應過歲坐話何妨直  
向宵寄語霜臺金柱史誦聲常得聽民謠

送胡緯之使江西

國榜才華共羨君江南使節謾云云國儲非欲增常  
賦民隱何妨一 上聞秋色含烟侵去旆遠山帶雨  
度飛雲 九重詔旨多寬恤須使閭閻受幾分

送余邦臣浙閩催賦

離城遙望振華鑣，旆旆翩翩野市橋。  
遠道誰云南薄海，壯懷應自上凌霄。  
催科豈欲國增賦，寬恤行看路載謠。  
司馬家聲重當世，輜車爭喜見風標。

送鄧惟遠督餉宣府

何處狼烟羽檄傳，經營糧餉託時賢。  
喜君才調歸輿論，爲我邊陲淨虜羶。  
每向浩豐懷往事，幾於獫狁計將然。  
胸中飛輓應無筭，坐見勲名琬琰鐫。

使星光彩倍昭回，誰向邊城去理財。  
馬首雲山排若戟，路旁師旅振如雷。  
軍儲從此歸心計，虜勢行看不



日摧北顧九重方在念効勞莫負濟時才

送王克勤郎中督糧薊州

十五年來共鹿鳴圖南爲喜奮雲程槐堂系出家聲  
遠粉署名高宦轍清要塞漫勞司國計積儲行見重  
邊城薊門咫尺如千里無限鄉情對酒傾

黃麻親捧出長安三月春風帶暮寒道左有人皆辟  
易馬前無處不留觀理財經畫歸投筭報國功名  
耻據鞍同榜遭逢能幾許爲君常自欲彈冠

送溫廷器還定遠兼省兄少叅汴梁

屈指睽違又二年官評常喜任人先薇垣家世誰能

並棠棣聲華世共傳  
渺渺鴈行橫遠塞  
迢迢雲路拂寒烟  
汴城此去休留戀  
見說流移滿道邊

送楊晉叔考功南還省母

霄漢誰從振羽翰  
家山翹首幾回看  
倚門在念頭垂白  
許國常懷心故丹  
請假謾憐蒙報可  
趨庭爲喜得承歡  
封章一軸君恩重  
熊膽遙知憶舊丸  
萬里東閩幾月程  
恩光帶去滿春城  
關西清白傳來久  
吏部文章舊有名  
姜被暫違星聚願  
萊衣兼得畫遊榮  
龍門於我常青眼  
心緒搖搖逐去旌

送洪郎中送母歸省父

清秩才從闕下陞歸途便逐板輿登趨庭却遂斑  
衣願舉案誰將舊事稱榮養幾人能具慶書香此日  
更相承莫耽桑梓淹鵬翮好趁東風萬里騰

送貢即中斌致仕

蜚聲誰似重儒流橋梓名科一榜收事在當時應不  
偶世傳家學若相謀仕途未盡昂霄興林谷何庸奮  
翮投綠水青山尚如舊杖藜隨處任遨遊

送伍朝信秋官

鄉關見說幾年違雲路初登尚布衣衣錦得歸心不  
願有親重慶世應稀懽娛菽水親調膳寢謁晨昏謾

啓扉勝事爲君吟不盡壽星光映法星暉

送吳克溫乃姪

世家見說冠江南注想雲林擁翠嵐芝宇忽從親客  
坐塵心深喜滌清談到來不覺行程幾夢後常懷舊  
徑三欲別應知難遂別朝回家話酒初酣

送張朝儀還信陽

鄴臺去後尚懷思作郡風聲更遠馳道上口碑皆實  
錄臺端剡疏豈恩私久淹不用常稱屈公論於今喜  
可持便好趣裝需寵召六曹郎署是前資

送莫貴誠主事蕪湖抽分

潞渚浮浮渡綵橈東風吹綠凍初消  
推船共喜新承命鳴珮應知暫出朝  
富國有心懷漢武愛民何計  
荅神堯書生經濟從今試肯使聲名不懋昭

送歐從龍大行

一舉聲名動縉紳便承清問向楓宸  
文從六一傳來父家在廬陵豈是新  
奉使暫辭丹鳳闕稱觴應慰白頭親  
煩君漫爲而翁道錦水甘棠正自春

送王行人使朝鮮

使節朝趨玉陛辭侍臣捧詔出  
彤闈太官饌賜恩從渥極品衣  
頰色借緋鴨綠江分夷夏界  
皇華路

遠 國朝威遠知入鏡人多少道左爭看四牡駢

黃即中仲實祭掃歸

十載相違喜蓋簪承恩何意又分襟鄉山不厭時  
歸去仕路誰從計淺深鬱鬱松楸舍晚翠紛紛雨露  
徧幽林 聖朝孝理敦風化桑梓寧牽報 國心

送王澄之弟歸鎮海

纔向西堂問起居又從客路駕征車看雲不厭燕山  
遠歸夢軍於鎮海踈千里別懷應可念百年好會豈  
爲虛此行不但吾儕重尚有雄文吏部書

送高遠西歸

八十而翁父臨聞逢人常見問回車  
兼程爲喜君今去拜慶寧教我得如  
楓陛尚懷三錫寵螢窓好讀  
十年書通家不徒爲頌洗耳時時聽德與

宜武朝來仗劍歸津津喜色滿芝眉  
功名便可隨時就定省安能與我違  
春暖正常行路日梅黃應是赴家期  
憑君好爲繼齋語何日虞廷覽德輝

送揚東升西歸

注選新從闕下歸馬前隨處送芳菲  
恩光帶得盈書劔喜色行看眩錦衣  
曉入秦關青壁迥春回蜀道綠烟微  
侯門多少親朋在好誦堯仁被九圍

送傅邦用入貲給章服 宗伯弟

燈火西堂燭禁宸誰誇姜被篤天倫衣冠欲與尋常  
異友愛應憐手足親北斗遙瞻 恩寵渥紫荆相對  
勸酬頻登堂謾聽堦箎奏和氣醲薰若飲醇

送毛以正西歸

十年京國究常編勵志應同百鍊堅敢謂掄材當不  
舍誰云放榜復空還雨餘禾黍芄芄長春到園林色  
色鮮欲別爲君頻感慨重來鵬翼看垂天

兀兀青燈照董帷從遊不但得經師應知學校多名  
士更爲鄉邦重 盛時蕉鹿夢疑渾未定尊鱸心動



自難移此行剩有江山助何止文章氣獨奇

送白崇之錦衣從征江西寇盜

赤子恟恟尚弄兵文江波浪幾時平  
指揮不惜提戈去桑梓何嫌負弩行  
萱樹北堂春日暖雲開寶婺月華明  
私心剛慰經年別僕馬臨門又促程

魏闕朝辭向豫章征旗煥彩喜還鄉  
錦衣非慕誇持節白髮應憐得舉觴  
司寇家聲歸士論武安事業在戎行  
爲君屈指還朝日盪寇功成沐寵光

送劉時讓庶憲致仕

風裁當年震憲臺濟時無處不稱才  
身經夷險應多

變心爲功名了不灰此日 九重恩已渥舊時三徑

喜新開獨懷吾蜀多遺老常向甘棠畚土培

投綬爭看返故鄉廬山望入鬱蒼蒼掛冠元不同弘  
景攬轡應知慕范滂爲 國爲民心已盡一丘一壑  
興初長試將林下從前數勇退如公幾抗章

庶憲劉公時讓舊以才御史左遷吾蜀至則常委  
攝劇州縣事故蜀人多茹其惠而知其名久矣未  
幾累擢貳憲以至於長中間雖再屈再起而名益  
振今年來 朝乃以年至力求去余不能留也賦  
此送之

送錦衣張指揮還京

幾年侍從重官評，執法還看播頌聲。  
斧戾恩光時特被，金吾拱衛任非輕。  
明刑但欲歸無訟，報國應非在慕名。  
極目送君還帝里，青山隱隱碧雲橫。

送珏弟還鄉

感君有道不辭難，聚首僑居共笑歡。  
久隔庭闈誰細語，飽聞動履却粗安。  
歸途又逐三秋去，上國剛留一月觀。  
好爲宗人頻致意，詔書常是爲民寬。  
別來歲月幾推遷，頭角森然亦勝前。  
一派書香思繼續，百年門戶賴周旋。  
功名可立須隨世，檢束惟知在

景賢喬木千今幾千丈大家封植拂雲烟

送史公鑑赴四川叅藩

萬里橋頭望福星  
熒熒光燭錦官城  
溧陽世族傳東漢  
民部聲華徹帝庭  
至喜亭前青嶂擁  
招賢館外白雲橫  
爲君慢憶經行處  
勲業何人照汗青

送蘇伯誠江西提學

東觀相從近十年  
蜚聲未許幾人先  
心存憂樂常如范  
職在編摩獨慕邈  
簡任已知蒙聖主  
斯文從此得名賢  
夜來翹首青霄上  
東壁熒熒向斗躔

送李希賢提學浙江

曉辭 楓陛出長安  
榮捧 絲綸百辟觀  
士得先聲  
朝泮水人懷  
夙望候江干  
一時人物歸  
文柄滿座春  
風散筆端  
回首舊遊應  
念否霜臺不  
似玉堂寒

送楊中書祭祖安寧

攝祭朝來奉 詔行  
恩波何止漲昆明  
絲綸謾說封三代  
功業須知重兩京  
負弩當年應不慕  
還鄉此去未爲輕

聖心眷念嚴歸限  
桑梓寧容久繫情

松楸望望白雲橫  
三十年來水木情  
詔許代行非

故事 恩加給驛  
更多榮地當金碧  
歸形勝秀毓賢

豪自 聖明風景從今入詩思鄉人不獨久知名

送劉提學憲副赴雲南便道省母次韻

寵命朝來下 日邊慈闈得覲始安眠歸榮此去非  
無路從仕誰能爲薄田立雪未能忘往哲樞衣寧復  
似當年試看衿佩岷江上翹首依依欲問天

送邵國賢分韻得春字

健筆常驚我輩人龍門誰厭日相親望宜造士公言  
久官帶提刑 龍命新江漢有聲應似舊宮墻無地  
不逢春爲君漫憶巡遊處衿佩雍雍喜色津

送羅憲副時太兵備瀘州

蜀道云云自古難西南形勝亦竒觀官舟百丈牽晴  
峽亂石千重激怒湍雲擁尺書非爲檄霜飛六月尚  
生寒知君武庫歸 廷簡從此籌邊

歡灑有籌邊樓

六月望前三日送陳憲副先生已先出城矣  
追及小酌而石齋亦至有詩以紀其送行  
之不及因用韻四首

見說輜車方就道不妨僕從倩行人敢乘欵段趨由  
徑更遣茅柴促出闔埜圃到來知候久茶瓜供處喜  
嘗新班荆莫似尋常別歸舫何時過問津

使旌已向都門去追逐時時問路人沾濕不辭衝霧

露別懷曾約罄郊闌情因瓜葛常如舊位與風聲每  
見新小憇正思南浦賦關西忽到喜津津

蒲團坐處草爲茵談笑禪家亦可人溪柳陰濃迷小  
徑埜藤土沃蔓荒闌栢臺有客門墻舊姜被多情感  
慨新屈指幾年蕭寺別又從今日送天津

信馬騰騰草似茵隔溪寂寂若無人橫鋪埜色蔽幽  
徑突出茅簷傍古闌此會共憐青眼舊世情堪笑白  
頭新盤根利器從今試翹首歸來陟要津

送憲副楊尚綱赴江西

官橋楊柳綠垂堤冠蓋如雲路欲迷  
寵命新承辭



闕下清風真可絕關西萊階此去重稱慶章郡於今  
正望霓翹首廬山幾千丈如君聲價好思齊

送少藩董德隅赴江西

奏績朝來徹帝聰薇垣深喜薦賢公寵恩幾許  
能親領清望應知又獨崇廬岳雲開青障麗文江春  
暖綠波融閭閻從此皆安堵弭盜無勞念九重

送温少叅還河南

薇垣風采舊家聲河洛于今又識名足國常懷劉  
晏計愛民獨重汝南評聚星此日娛萊綵望闕當  
年嚮鎬京甘雨從今隨返旆蒼黔多少馬前迎

送僉憲劉朝重

仕路驅馳已十年，憲臺纔得一超遷。  
險夷舊歷心無變，聲望今看世共賢。  
灑灑秋深應可上，滇南家近更爲便。  
激揚此去方如渴，仰止何人欲與肩。

送楊正夫觀光趨庭

鹿鳴才聽覲，彤闈又向湘江賦。  
式微獻璞時違人，共屈望雲心切日。  
懷歸西堂此去應多夢，南國重來看獨蜚。  
出處不須論早暮，好將衿佩作萊衣。

送嚴宗哲太守丙安

西安城郭傍南山，形勝猶如百二關。  
劇地人懷奔役

身川集卷之二十二  
苦殊才論愜極時艱噐當盤錯方知利心在閭閻未  
始閒西顧不須勞 聖主憂民已見髮毛班

送馬廬州汝礪考績還

廬江此日傳三錫三至高風伯仲閒治行每看歌道  
上薦書常喜奏朝班功名在古應誰似家世于今未  
易攀屈指榜中多哲士藉君我輩少慙顏

家學真傳四聖心濟時何止頌甘霖江山自古因人  
勝桃李從今滿地陰 北闕三年隨例考西堂兩月  
對床吟慙予雅有通家好不厭携壺屢盃簪

送吳孟璋守贛州

風采元來是繡衣行蹤到處識霜威烏臺白簡高難  
步錦里甘棠大可圍恩澤便看章貢隘人才誰說魯  
龔稀獨嫌吾蜀緣何薄竹馬空懷郭伋歸

送汪德威任衡陽

貳郡聲華尚未忘薰風又逐赴衡陽路經舊歷人應  
識榮領新除寵倍光事主共看逢舜禹策勲端  
不羨龔黃士元驥足今方展思政堂高化日長

送李邦輔太守次韻

見說疲癯盡得安醫民元自有靈丹地無夷俗真堪  
化山歛蠻烟最可觀治行端知能結主持心元不

東川集卷之二十二  
負爲官古來卿相多良吏勲業從今拭目看

送余良爵進表還鄉展墓

履端馳賀五雲深便向東風動越吟蜀道不辭參  
井險仙丘欲慰本源心蕭蕭宰木生春色冉冉庭槐  
苑午陰未許鄉園久留戀西曹聲價重南金

送郝立夫太守還涿州

百雉官甍近帝京共憐河潤播休聲催科不異陽  
城拙草木猶知萬福名但使閭閻皆富庶從來牧守  
盡公卿如君淹屈應非久清論于今似日明

送郡民愛考績還

福星誰遣照成都邵父新聲滿路隅絃誦于今侔上  
國循良自古出名儒功書上上山公考 詰錫明明  
聖禹謨道過鄉闕休繼繼又傳竹馬擁歸途

十年芝宇隔參辰同榜相知有幾人開口才逢燕市  
裏別懷又逐蜀江濱官如魯卓難爲繼詩慕魯劉欲  
逼真此去雪山爲增重登仙早晚望行塵

送鳳陽張貳守維

二十年來舊識名作官常喜遠馳聲催科不異陽城  
拙節操真同趙抃清績向山公書上考仕當 帝里  
自多情從今翹首看鵬翮獨步雲霄不計程

送沈良德太守

課績朝從闕下歸，萊階又得試班衣。  
稱觴不厭斟吳酒，拜慶應懷斷孟機。  
千里甘棠方蔽芾，滿庭荆樹正芳菲。  
行囊多少陽關調，奏入埴荒思欲飛。

送譚元儀別駕任楚樵

相逢謾憶錦江遊，壯志于今始得酬。  
佐郡未須論萬里，過家應喜及三秋。  
愛民自古違時好，濟世何人爲國謀。  
聖主閭闔多軫念，誰云卓魯邈難儔。

秋江一棹送安南節推

青楓兩岸滿江秋，欸乃聲聲送客舟。  
冠在南安應暫

借名如何武豈終留雲橫碧落衝寒鴈蓬轉西風遂  
遠鷗回首燕臺渺如許兒童擊楫候中流

送汪文淵節推赴九江

專城千里並匡廬理郡誰當向此隅家世久懷名歎  
浦鵬程今喜舊天衢須知教化歸刑罰會見閭閻頌  
袴襦仰止龍溪幾千仞雲仍應自與人殊

送李守模節推考績還任

太學當年共執經一燈相對眼偏青常懷芝宇天涯  
隔忽喜高談坐上聽教化何人歸治獄平反有績頌  
祥刑如君佐郡寧淹屈姓字于今載御屏



送張進士以莊推官武昌

薇省流風震蜀川  
榮題淡墨更光前  
未誇發軔雲程遠  
且喜還家綵服鮮  
名世何人隨俗變  
愛民有譜在心傳  
爲君翹首湘江上  
陳榻無教鎮日懸

東川劉文簡公集卷之二十二

終